



Broj: 04-16-4-8620-1020
Sarajevo, 24.03.2021. godine

Na osnovu člana 61. Zakona o upravi („Službeni glasnik BiH” br. 32/02,102/09 i 72/17), člana 69. stav (2) tačka d) i tačka e) i člana 70. stav (1), a u vezi sa članom 68. stav (4) tačka i) Zakona o javnim nabavkama („Službeni glasnik BiH”, broj: 39/14), ministar sigurnosti Bosne i Hercegovine d o n o s i:

ODLUKU
o poništenju postupka javne nabavke
„Nabavka lijekova” – Nabavka lijekova
za potrebe Ministarstva sigurnosti/bezbjednosti BiH

Član 1.

Poništava se otvoreni postupak javne nabavke „Nabavka lijekova“ za potrebe Ministarstva sigurnosti/bezbjednosti Bosne i Hercegovine, broj: 04-16-4-8620/20 od 27.10.2020. godine, raspisan i objavljen na portalu javnih nabavki broj: 268-7-1-45/20 dana 03.12.2020. godine, Nabavka lijekova, jedinstveni CPV KOD 33000000-0, te se odbacuje ponuda ponuđača ZU „Crvena apoteka” Mrkonjić Grada, jer premašuju procijenjenu vrijednost u iznosu od = 4.957,39 KM, a u skladu sa članom 69. stav (2) tačka e) Zakona o javnim nabavkama i ne ispunjava sve zahtjeve iz tenderske dokumentacije jer nije potpuna.

Član 2.

Za realizaciju ove Odluke zadužuje se Sektor za pravne, kadrovske, opšte i finansijsko-materijalne poslove. Ova Odluka će se objaviti na web stranici Ministarstva sigurnosti BiH (www.msb.gov.ba) te će biti dostavljena ponuđaču ZU „Crvena apoteka” Mrkonjić Grada.

Član 3.

Ova Odluka stupa na snagu danom donošenja.

Obrazloženje

Ministarstvo sigurnosti BiH je dana 27.10.2020. godine Odlukom o pokretanju procedure javne nabavke, broj: 04-16-4-8620/20, pokrenulo proceduru javne nabavke „Nabavka lijekova” – Nabavka lijekova za potrebe Ministarstva sigurnosti/bezbjednosti BiH, procijenjene vrijednosti 12.800,00 KM bez PDV-a, putem otvorenog postupka sa objavom na portalu javnih nabavki dana i uz predviđenu upotrebu e-aukcije.

U postupku ocjene ponude ponuđača ZU „Crvena apoteka” Mrkonjić Grada, kao jedine ponude, Komisija za javne nabavke u Ministarstvu sigurnosti Bosne i Hercegovine, formirana Odlukom o imenovanju Komisije za javne nabavke u Ministarstvu sigurnosti Bosne i Hercegovine, broj: 04-16-4-8620-9/20 od 11.12.2020. godine, je izvršila ocjenu ponude te sačinila zapisnik o ocjeni ponude, broj: 04-16-4-8620-17/20 od 02.03.2020. godine, te utvrdila da ponuda ne ispunjava zahtjeve iz tenderske dokumentacije.

Ponuda nije potpuna jer tačkom 4.1.3 stav 1) Tenderske dokumentacije, a u vezi sa članom 49. Zakona o javnim nabavkama, određeno je da ponuđač može učestvovati u postupku javne nabavke ukoliko je *“u posljednje dvije godine ponuđač realizovao najmanje dva ugovora ukupne vrijednosti ponude, a koji se odnosi na isporuku lijekova”*, što se dokazuje spiskom o uredno izvršenim ugovorima i sa najmanje dvije potpisane i ovjerene potvrde od strane primaoca o uspješnoj realizaciji ugovora koji se odnosi na isporuku lijekova.

S tim u vezi, iz dostavljene potvrde se nije mogao utvrditi tačan period realizacije ugovora u 2018. godini, odnosno nije se moglo utvrditi da je ugovor realizovan u posljednje dvije godine kako je traženo tenderskom dokumentacijom, tačka 4.1.3. stavka 1).


Također, ističemo da je ukupna cijena ponuđača ZU “Crvena apoteka” bez PDV-a = 17.757,39 KM, dok procijenjena vrijednost nabavke iznosi 12.800,00 KM bez PDV-a.

Kako ponuda u skladu sa odredbama člana 68. stav (4) tačka i) Zakona o javnim nabavkama nije potpuna i neispunjava sve zahtjeve iz Tenderske dokumentacije, a u skladu sa odredbama iz člana 69. stav (2) tačka d) Zakona o javnim nabavkama ponuda je neprihvatljiva.

Cijeneći naprijed navedeno odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Ugovornom organu najkasnije u roku od 10 (deset) dana od dana prijema ove Odluke.



Dostavljeno:

- ZU „Crvena apoteka“ Mrkonjić Grad
- Sektor za pravne, kadrovske, opće i finansijsko-materijalne poslove
- Glasnogovornik
- a/a